



ILIDŽA

INFORMATIVNI BILTEN OPĆINE ILIDŽA
Ilidža • Mart 2016 • Broj 147



12. MART
DAN OPĆINE ILIDŽA

12. MART DAN OPĆINE ILIDŽA





SVEČANA SJEDNICA OPĆINSKOG VIJEĆA



Obilježen Dan Općine Ilidža

Tačno prije 20 godina 12. marta 1996. godine reintegrirana je Općina Ilidža. Ovaj datum je značajan za sve građane Ilidže jer im je Ilidža vraćena nakon četiri ratne godine. Povratkom na Ilidžu, koja je bila totalno

uništena, gdje su štete bile milionske, kada je većina građana plakala od sreće, ostat će historijski datum, dan vrlo važan za sve Ilidžance. Taj datum se obilježava kao Dan općine. Općina je ovaj dan obilježila nizom kulturnih i sportskih manifestacija. Mnogobrojne delegacije 11. marta položile su cvijeće svim šehidima i palim borcima ispred centralnog spomen-obilježja.

Održana je i svečana sjednica Općinskog vijeća na kojoj su dodijeljena priznanja.

Adnan Hasković, sada već poznati svjetski glumac, koji je dao doprinos u promociji dramske umjetnosti dobio je najveće priznanje - Zlatnu plaketu. Zlatnu plaketu dobio je i Enes Hajdarević, koji je dao doprinos u razvoju lokalne zajednice i poboljšanju uslova života građana, a učestvuje i u društveno-korisnim projektima. Srebrne plakete su dobili, posthumno Aida Lušničkić za nesebičan i plemenit doprinos u promociji Općine Ilidža i Safedin Bulić, za postignute rezultate u radu i iskrenu brigu i humanost prema ljudima u stanju socijalne potrebe. Kolektivna Srebrna plaketa otišla je u ruke Mladih





SVEČANA SJEDNICA OPĆINSKOG VIJEĆA

Crvenog križa za dugogodišnje aktivnosti u humanitarnom, socijalnom i društveno-korisnom radu, te firmi Čolaktex za postignute rezultate u radu i učešće u realizaciji brojnih projekata od važnosti za MZ i Općinu Ilidža.

Zahvalnice su uručene policajcu Semiru Lendi za profesionalan i odgovoran rad i doprinos u podizanju nivoa bezbjednosti u saobraćaju kao i sigurnosti ljudi i njihove imovine, Ivici Buzuku, za profesionalan odnos, aktivan doprinos općem stanju sigurnosti građana i njihove imovine, te Edinu Sinanoviću, za ostvarene rezultate u oblasti sporta i promociji borilačkih sportova. Zahvalnica je uručena i Hamdiji Šetiću, za doprinos u poboljšanju uslova života i učešće u realizaciji mnogobrojnih projekata, firmi Poliko, za postignute rezultate u radu i razvoju trgovinske djelatnosti, i posthumno Čamilu Efendiću za iskazanu humanost i pomoć stanovništvu u periodu agresije.

Muhamed Omerović predsjedavajući Općinskog vijeća Ilidža u svom govoru, između ostalog, odao priznanje građanima i borcima koji su svojim doprinosom razvijali Općinu Ilidža.

“Ovo je neizostavan dan u historiji BiH. Svaki stanovnik Općine Ilidža ima slične probleme, ali zajedničkim snagama izborimo se da Ilidža bude mjesto ugodnog življenja” podcrtao je Omerović.

Načelnik Općine Ilidža prof. dr. Senaid Memić čestitao je svim građanima Dan općine podsjećajući da je Ilidža danas jedna od najrazvijenijih općina u BiH.

“Popravljen je stambeni fond, infrastruktura, škole, zdravstvene ustanove. Mnogo toga novog je izgrađeno. Ilidža živi. Ilidža je banjsko i klimatološko lječilište, rekreacijski centar i izletišta. I upravo zbog svega toga sa sigurnošću možemo reći da je općina Ilidža danas jedna od najmodernijih i najnaprednijih lokalnih zajednica u Bosni i Hercegovini. Danas smo i veliki obrazovni, studentski centar. Posljednjih godina Ilidža se dodatno širi, otvaraju se gradilišta, ovdje dolaze investicije, otvaraju se visokoškolske ustanove, posjećuju je mnogobrojni turisti. Sada Ilidža ima oko 90 hiljada stanovnika. Mi idemo dalje i samo svi zajedno možemo napraviti od nje centar kakav ona i jeste” rekao je, između ostalog, načelnik Memić.

Učenici osnovnih škola izveli su prigodan kulturno-zabavni program.





Prijedlozi akata o regulisanju imovinsko-pravnih odnosa

Općinsko vijeće na 37. sjednici usvojilo je prijedloge akata o regulisanja imovinsko-pravnih odnosa: u svrhu legalizacije stambenih objekata po zahtjevima: Bratoljub Gajić, Šaban Kajević, Fadila Sefer, Adem Vatreš, Ljerka Davidović, Faik Gegić, Azem Sućeska, Ramiz Žigović, Taip Gegić, te Eldar Trhulj. Usvojen je prijedlog rješenja o rješavanju imovinsko-pravnih odnosa u svrhu legalizacije suterena stambeno-poslovnog objekta Ahmeda Karića.

Donesen je i prijedlog rješenja o utvrđivanju prava vlasništva na građevinskom zemljištu po zahtjevima: Selim Dedović, Medžlis Islamske zajednice Sarajevo, Almir Rovčanin, kao i Prijedlog rješenja kojim se u cjelosti poništava Rješenje Općinskog vijeća Ilidža na ime Hasne Dedić.

Podrška Deklaraciji za kandidaturu projekta ARS Aevi

Općinsko vijeće Ilidža na 37. redovnoj sjednici, održanoj 31. marta 2016. godine jednoglasno donijelo je Odluku da bude potpisnik Deklaracije za kandidaturu projekta ARS Aevi za Nobelovu nagradu za mir za 2018. godinu.

Dodijeljene stipendije Dedovićima

Općinsko vijeće Ilidža na 37. sjednici donijelo je odluku da se porodici Dedović iz Ilidže, koji su djeca bez oba roditelja i to Jasminu, rođenom 2003. godine i Hilmi, rođenom 2007. godine dodjeli stipendija za školsku 2015/2016. godinu. Djeca Dedović i njihov sada punoljetni brat ostali su bez majke prije tri godine, a početkom marta i bez oca.



Usvojen Izvještaj o izvršenju budžeta i završni račun za 2015. godinu

Općinsko vijeće na 37. redovnoj sjednici održanoj, 31. marta 2016. godine usvojilo je Izvještaj o izvršenju budžeta Općine Ilidža za 2015. godinu, Godišnji finansijski izvještaj za period 1. januar - 31. decembar 2015 godine i Izvještaj Centralne popisne komisije za koordinaciju rada popisnih komisija za 2015. godinu. Ukupno ostvareni prihodi u 2015. godini iznose 23.082.227,55 KM, rashodi 22.983.046,78 KM. Razlika između ostvarenih prihoda i rashoda je 99.180,77 KM i prenosi se u Budžet za 2016. godinu čiji će raspored biti izvršen posebnom odlukom.

Semir Mulaosmanović i Anes Mašić novi članovi komisija

Na prijedlog Komisije za izbor, imenovanja i pitanja ravnopravnosti spolova, Općinsko vijeće Ilidža je usvojilo Prijedlog Rješenja o razrješenju člana Etičke Komisije, Elvisa Vrete na prijedlog OO Naše stranke Ilidža i imenovalo za člana Etičke komisije Semira Mulaosmanovića. Općinsko vijeće je donijelo Rješenje o razrješenju člana Komisije za planiranje općinskog razvoja Merimu Čorbo, na prijedlog OO Naše stranke Ilidža, te imenovalo Anesa Mašića.

Usvojen izvještaj o radu i finansijskom poslovanju KSiRC Ilidža

Kulturno-sportski i rekreacioni centar je javna ustanova od posebnog značaja, čiji je osnivač općina, a kroz čiju se programsku aktivnost i djelatnost zadovoljavaju potrebe i interesi građana i udruženja sa područja ove općine i šire, u oblasti kulture, sporta i rekreacije. U tom pravcu učinjeni su značajni naponi za poboljšanje uslova za održavanje kulturnih i sportskih manifestacija lokalnog, državnog i međunarodnog značaja. Javna ustanova u toku redovnih aktivnosti imala je nastave sporta, utakmice, treninge i rekreaciju. Na osnovu šestomjesečnih i godišnjih izvještaja koje su dostavljeni Općini Ilidža tj. Općinskom vijeću evidentno je da JU KSiRC Ilidža u dosadašnjem radu ostvarila pozitivno poslovanje uz redovnu isplatu ličnih dohodaka sa uplaćenim doprinosima. Kako se navodi u Izvještaju, koji je prihvatilo Općinsko vijeće, kao prijedlog za poboljšanje uslova ova ustanova je navela nabavku pokretnih koševa i izgradnja svlačionica na vanjskom terenu.

JU KSC Ilidža je u izvještajnom periodu od 1.1-31.12 2015. godine fakturisala na ime zakupnine iznos 110.768,64 KM a naplatila za isti period 101.200,64 KM. Usvojen je i finansijski izvještaj, u kojem je navedeno da su ukupno ostvareni prihodi u 2015. godini 380.969,05 KM, a rashodi 379.109,06 KM. Izvještaj o radu Savjeta MZ za 2015. godinu i Program rada savjeta MZ za 2016. godinu, bila je jedna od tačaka dnevnog reda 37. redovne sjednice Općinskog vijeća. U izvještaju i Programu prikazan je rad, aktivnosti svih 16 MZ, kao i plan aktivnosti za 2016. godinu.



Posjeta bratskoj općini Zeytinburnu

Načelnik Općine Ilidža prof.dr Senaid Memić sa općinskom delegacijom 22.marta 2016 godine posjetio je bratsku općinu Zeytinburnu (jedna od općina u sklopu grada Istanbula).

Delegaciju je primio načelnik Murat Aydin sa saradnicima. Razgovaralo se o trenutno političko-ekonomskoj situaciji i o razvojnim projektima na području općine Ilidža u kojima bi obje općine mogle da učestvuju. Načelnik općine Zeytinburnu Murat Aydin iskazao je svoje zadovoljstvo posjetom delegacije bratske općine Ilidža.

Općine Zeytinburnu i Ilidža zvanično su se bratimile 2007.godine.

Obzirom na to da općina Zeytinburnu u punom kapacitetu koristi sistem Pametne općine u svim procesima, razgovarano je i na temu o razmjeni informacija i iskustava po tom pitanju.

Četvrtoj PU predato na upotrebu pet službenih vozila

Ispred prostorija Četvrtne PU Ilidža 25. marta 2016. održana je prigodna svečanost uručjenja službenih vozila predstavnicima ove policijske uprave. Sredstvima planiranim budžetom Kantona Sarajevo za 2015. godinu, kupljeno je pet službenih - policijski obilježenih motornih vozila marke "VW Golf A" i predato na upotrebu policijskim službenicima Četvrtne PU.

Svečanosti su prisustvovali ministar MUP-a Kantona Sarajevo, mr. Ismir Jusko, koji je u ime Vlade Kantona Sarajevo predao ključeve vozila načelniku Četvrtne PU Mirsadu Đeliloviću, zatim policijski komesar Vahid Ćosić, te načelnik Općine Ilidža prof. dr. Senaid Memić, sa saradnicima. Stavljanje u funkciju ovih motornih vozila predstavlja nastavak kontinuiranih aktivnosti Uprave policije, MUP-a Kantona Sarajevo i Vlade Kantona Sarajevo, na modernizaciji materijalno-tehničkih sredstava kojima MUP KS raspolaže, čime se značajno poboljšava operativna sposobnost organizacionih jedinica Ministarstva, te tako povećava nivo sigurnosti, kao jedan od najvažnijih segmenata života našeg društva.

"Policija mora ojačati, imati uslove za rad, biti opremljena na način da bude u stanju da odgovori zadacima. Oni imaju punu podršku naše Općine i mi im kao i građani vjerujemo. Rješavanje problema i briga za bezbjednost zavise od ljudi i od stvari koje su im date na raspolaganje.



Moguća saradnje općina Gunyuzu i Ilidže

Načelnik Općine Gunyuzu Belediyesi Grada Eskişehir iz Turske, Mehmet Remzi Arayit donirao je 22 dresa i trenerke djeci iz FK Igman. Predstavnik načelnika Gunyuzu, Abdulhamit Yildirim sa saradnicima, tim povodom posjetio je načelnika Općine Ilidža prof. dr. Senaida Memića i razgovarao s njim o mogućnostima saradnje između ove dvije općine.

Načelniku Memiću izrazili su spremnost za pomoć u donacijama potreba djece predškolskog uzrasta (obdaništa) kao i spremnost za pomoć samohranim majkama i socijalno ugroženim osobama. Abdulhamit Yildirim je uručio načelniku Memiću dres sa njegovim imenom i sliku kao znak želje za uspostavljanje saradnje. U cilju upoznavanja, razmijene iskustava i moguće saradnje, Yildirim je u ime načelnika Općine Gunyuzu Belediyesi pozvao načelnika Memića sa saradnicima u posjetu ovoj općini.

Pozivam građane da zajedno sa policijom budu budni i da tu budnost pretvore u provjeru svega što je sumnjivo na terenu kako bi spriječili kriminal" rekao je načelnik Općine Ilidža prof. dr. Senaid Memić.

"Svaka pomoć je dobro došla tako da i ovih pet policijskih vozila će doprinijeti mobilnosti i operativnosti policijskih službenika, sve u cilju poboljšanja sigurnosne situacije. Ovo je samo početak pomoći koju očekujemo u 2016. godini. Pored vozila, imamo interes za proširenje broja policijskih službenika i također je napravljen jedan prijedlog izmjene pravilnika o unutrašnjoj organizaciji i sistematizaciji gdje smo iskazali potrebu za povećanjem broja policijskih službenika da bismo u svakom trenutku mogli biti na što više prostora na području Četvrtne PU" izjavio je Mirsad Dželilović načelnik Četvrtne PU.





Predavanje o izgradnji kapaciteta za investicijske projekte

Privredna komora Kantona Sarajevo, u partnerstvu sa Općinom Ilidža i SA Group, a u okviru Projekta „BACID fond-aktivnosti vezane za transfer znanja” organizovali su trodnevno predavanje o temi „Izgradnja kapaciteta za investicijske projekte u Kantonu Sarajevo”. Predavanje je održano u prostorijama Općine Ilidža kojem su prisustvovali privrednici, predstavnici lokalne i kantonalne vlasti. Krajnji cilj predavanja je transfer znanja iz Republike Austrije s posebnim osvrtom na poslovanje industrijskih zona, a držali su ga eksperti iz ove oblasti koji imaju bogato iskustvo iz domena investicijskih projekata od njihovog finansiranja do pripreme i implementacije. Predavanju je prisustvovao i načelnik Općine Ilidža prof. dr. Senaid Memić koji je pozdravio prisutne i zaželio im ugodan boravak na Ilidži i uspješan rad.

Predato vozilo za dijalizne bolesnike sa područja BPK-a

Kantonalnoj bolnici Goražde donirano je kombi vozilo za prijevoz dijaliznih pacijenata s područja Bosansko-podrinjskog kantona Goražde. Pomoć u nabavci kombi vozila pružile su vlade Bosansko-podrinjskog kantona Goražde i Kantona Sarajevo, te sarajevske općine Centar, Stari Grad, Novi Grad i Ilidža, čiji predstavnici su prisustvovali primopredaji. Svečanost primopredaje vozila upriličena je 16. marta 2016. U ime Vlade Bosansko-podrinjskog kantona Goražde prisutnim zvanicama obratio se premijer Emir Oković koji je iskazao zahvalnost na podršci Kantonu Sarajevo i sarajevskim općinama. Oković je rekao da je nabavka vozila samo jedan korak u rješavanju dugogodišnjeg problema s kojim se susreću dijalizni pacijenti s prostora BPK-a, te da će se u narednom periodu uložiti dodatni naponi za dugoročno rješavanje ovog pitanja kroz otvaranje dijaliznog centra u Goraždu.

U toku izgradnja vodovodne i kanalizacione mreže

Za potrebe četvrte faze izgradnje stambenih jedinica u naselju Balvangrad u MZ Hrasnici I, a koje su namijenjeni za smještaj izbjeglih i raseljenih lica, te socijalnih slučajeva u toku su radovi na izgradnji vodovodne i separatne kanalizacione mreže u ulici Suada Đulimana. Za realizaciju ovog projekta sredstva je obezbijedila Općina Ilidža. Vrijednost radova je 200.000 KM.

Pored ovog projekta u toku su radovi na izgradnji fekalne kanalizacione mreže u ulici Stari Kovači u MZ Hrasnica II u dužini od 600 metara. Vrijednost radova je 134.000 KM, a finansiraju se sredstvima Kantona Sarajevo i Općine Ilidža.



Direktor Kantonalne bolnice Goražde Fuad Rovčanin iskazao je zahvalnost svim donatorima u nabavci vozila koje će isključivo biti korišteno za prijevoz pacijenata s prostora BPK-a Goražde na hemodijalizu u Sarajevo. Općina Ilidža je iz svog budžeta za ove namjene izdvojila 10.000 KM.





Obilježene 23 godine od Kotorračke bitke



Intoniranjem himne, učenjem Fatihe, polaganjem cvijeća i historijskim satom ispred spomen-obilježja u Donjem Kotorcu, 17. marta 2016. godine obilježeni su "Dani Kotorračkih bitaka".

I ove godine u organizaciji JOB "Unije veterana" i Općine Ilidža, okupili su se mnogobrojni građani, nekadašnji saborci, učenici i stanovnici Donjeg Kotorca i Butmira, da još jednom zajedno iskažu poštovanje prema herojima, braniocima Donjeg Kotorca i prisjete se važnih događaja koji su se odvijali na ovim prostorima u toku teških ratnih godina.

Na tom mjestu, tih dana svoje živote su dali: Amir Ahmetspahić, Hajrudin Čatovič, Arsim Huseini, Izet Kadić, Hajrudin Kalauzović, Nurko Kršo, Ekrem Mujkić, Jusuf Mulaosmanović, Ahmed Pajević, Vahid Silajdžić, Nusret Suljević, Nedžad Šehović i Nijaz Tucaković.

Borci koji su bili na ovom mjestu u vrijeme najtežeg ratnog i krvavog perioda dobro znaju šta se dešavalo u Donjem Kotorcu. Evocirali su nam uspomene Esad Mostarlić, Alija Dervišević i Mehmed Sijarić.

I ove godine posjeta osnovaca Tunelu spasa

U povodu obilježavanja Dana Općine Ilidža od 22. do 24. marta 2015. organizirana je posjeta učenika devetih razreda osnovnih škola s područja općine Ilidža Tunelu spasa.

Tom prilikom učenicima će biti prikazan dokumentarni film o Tunelu spasa, a pogledat će i muzejsku postavku i poslušati historijski čas na temu dešavanja u BiH u periodu 1992-1995. Ovaj projekt finansira Općina Ilidža, a Tunel spasa trebalo bi posjetiti 600 osnovaca.

"Mi znamo da je Tunel spasa bio ulaz u Sarajevo, ali bio je i nada za spas i način povezivanja Sarajeva sa ostatkom svijeta. Ovim projektom želimo razviti ljubav prema BiH, a ujedno cilj nam je i da učenici koji nemaju priliku da uče u škola šta se događalo u ratnom periodu poslušaju, na koji način se borilo i izborilo, kako se branilo i odbranilo Sarajevo i koja je uloga tunela u tome. Bar na jedan sat vizuelno želimo da osjete tu borbu za preživljavanje. To što će čuti na ovom času nek ne zaborave jer su ogromne žrtve pale kako bi mi danas imali to što imamo", kazao je pomoćnik načelnika za obrazovanje, kulturu, sport i informiranje Denis Muhović.

"Čuo sam od roditelja, nastavnika i poznanika o tunelu ali drugačije sam doživio sad kad sam vidio. Smatram da ovo predavanje dosta pomaže, ne samo nama mladima nego i ovim starijima kojima ćemo mi ispričati šta smo čuli i kako smo doživjeli, da ne zaborave, a nadamo se, da se neće više nikome ponoviti, rekao nam je učenik devetog razreda Abedin Pobrić, učenik Druge osnovne škole.

"Toliko su padale granate i toliko je pakleno bilo da se i ja danas pitam kako smo preživjeli. Sve je bilo pod dimom, ljudi s Dobrinje kad su gledali mislili su da niko preživjeti neće. Mi smo znali da ne smijemo nazad jer su iza nas naši najmiliji, djeca, majke i očevi. Nije bilo nazad i bili smo spremni život da damo" kaže nam Esad Mostarlić, nekadašnji komandir voda Prve čete Četvrtog motorizovanog bataljona Četvrte viteške brigade.

"Bili smo spremni i život da damo ali svoja ognjišta nismo. Znali smo da ako uđu neće biti niko živ, evo odbranili smo se i danas smo ponosni" dodaje Mehmed Sijarić, borac nekadašnje Sedme legendarne čete, a kasnije Druge motorizovane čete.

Alija Dervišević, borac iz Prve čete Četvrtog motorizovanog bataljona Četvrte viteške brigade prisjetio se jutra 1993.

"Bilo je oko 5,20 kada je počeo napad teškom artiljerijom. Građani su cijelo vrijeme i naselja Sokolovići, Hrasnica i Butmir. Krenuli su na nas i oklopnim sredstvima. Nije bilo povlačenja. Srcem smo branili i odbranili " ističe Dervišević, dodajući da su mu emocije danas, nakon 23 godine pomješana.

"Danas sam i sretan i tužan. Sretan jer vidim koliko se Kotorac izgradio, uredio. Život se vratio. Nažalost, naših saboraca nema. Ali, tu smo mi i dok smo mi živi njegovat ćemo obilježavanje ovog datuma od zaborava" dodaje Dervišević.

Prisutnima su se obratili i načelnik Općine Ilidža, prof. dr. Senaid Memić, komandant Četvrte viteške brigade general Fikret Prevljak, ministar za boračka pitanja Muharem Fišo, i komandant Pete motorizovane brigade general Ismet Hadžić Mutavelija.

"Vi koji niste bili ni rođeni, niti to učite u svojim knjigama treba da znate da se 17. marta 1993. godine vodila odlučujuća bitka, ključna odbrana od masovnog napada agresorskih snaga, ovog djela čijim zauzimanjem bi Sarajevo ostalo potpuno odsječeno i blokirano, a postojanje BiH bi bilo neizvjesno. Zato nikad nemojte zaboraviti žrtve i krv koja je ovdje prolivena. Ovdje su borili, mještani Butmira i Donjeg Kotorca, a u pomoć su pristigle i jedinice DIO "Fikro" kao i ostale jedinice Četvrte motorizovane brigade i Crni labudovi. Zato čuvajmo ono što su nam ostavili". Tim riječima se obratio general Fikret Prevljak, komandant Četvrte viteške motorizovane brigade.

Na Memorijalno -historijskom susretu "Dani Kotorračkih bitaka" ispred spomen-obilježja poginulim braniteljima načelnik Memić je istakao značaj obilježavanja ovog datuma.

"Ne zaboravite šta je ovdje bilo, učite se slozi, učite stalno se obrazujte, jer samo tako možete sačuvati BiH. I molim vas stalno ponavljajte sebi da je mnogo žrtava dato za BiH i da mi drugu državu nemamo. Učinimo je boljom " izjavio je, između ostalog načelnik Općine Ilidža prof. dr. Senaid Memić.

Prigodan program izveli su učenici Četvrte gimnazije, Osme osnovne "Amer Cenanić" i Četvrte osnovne škole, te Srednje tehničke škole grafičkih tehnologija, dizajna i multmedija.

A historijskom času su prisustvovali učenici iz svih osnovnih i srednjih škola sa područja ove općine.





U Rakovici načelnik zasadio voće porodici Sinanović

Tri stotine i pedeset domaćinstava sa područja općine Ilidže dobilo je juče ukupno 2.000 sadnica jabuke, kruške, šljive, višnje koje je obezbijedila ova općina u okviru projekta "Dodjela sadnice voća"

Načelnik Općine Ilidža prof. dr. Senaid Memić uručio je paket od 15 sadnica domaćinu Suadu Sinanoviću iz Rakovice. Poznato je da je načelnik Memić doktor poljoprivrednih nauka i da uživa u tom poslu pa mu nije bilo teško zasadi Sinanovićima donirane sadnice. Tom prilikom je dao uputstva na koji način da se održavaju sadnice kako bi dale najveće prinose.

Suad Sinanović se zahvalio Općini Ilidža i načelniku Memiću na doniranim sadnicama i stručnim savjetima.

"Općina Ilidža je jedna od rijetkih općina koja kontinuirano i nesebično pruža pomoć u razvoju poljoprivrede, i to ne samo dodjelom sadnica već i donacijom plastenika, stručnim savjetima, a nadamo se da će uvijek ostati ovako dobra saradnja između nas koji želimo da se bavimo poljoprivredom i naše općine" kazao je Sinanović.

Načelnik ugostio mališane iz vrtića "Amel"

Načelnik Općine Ilidža prof. dr. Senaid Memić ugostio je 31. marta mališane iz vrtića "Amel". Tom prilikom mališani su uručili načelniku Memiću poklon za Dan općine.

"Danas sam imao najljepši sastanak i vi ste moji najdraži gosti. Drago mi je sto Ilidža ima takvu djecu i iskreno se nadam da ćete izrasti u dobre ljude koji će biti ponos naše općine" rekao je, između ostalog, načelnik i uručio im poklon razglednice i čokolade.



Podijeljeno 2000 sadnica voća

U sklopu proljetne sadnje, Općina Ilidža je i ove kao i predhodnih godina provela akciju podjele sadnica voća stanovnicima općine. Ukupno je podijeljeno 2000 sadnica, od toga 500 komada jabuke, 500 šljive, 400 kruške, 300 višnje, 200 trešnja i 100 sadnica oraha. Distribucija i podjela sadnica stanovnicima obavljena je po mjesnim zajednicama. Prednost prilikom podjele imali su građani koji predhodnih godina nisu bili obuhvaćeni podjelom. Ovo je još jedna od akcija u nizu kojim Općina Ilidža pomaže stanovnicima u razvoju poljoprivrede. Za nabavku sadnica Općina je izdvojila 6.000 KM.

Završeno deminiranje oko Međunarodnog aerodroma

Na području općine Ilidža 30. marta završeno je deminiranje prostora oko Međunarodnog aerodroma u MZ Donji Kotorac. Deminirano je područje od 5.402 kvadratna metra. Izvođač radova bile su Oružane snage BiH, a finansijer Međunarodni fond ITF Pronađene su četiri protivpješadijske mine, te dva NUS-a.

Građani Ilidže koji žele predati NUS-a mogu kontaktirati koordinatorka za deminiranje Rifata Hodžića putem telefona 061 183-728.

Počele pripreme za Festival narodne muzike "Ilidža 2016"

U BiH i regionu ima mnogo muzičkih festivala, ali najpoznatiji među festivalima narodne muzike je svakako Ilidžanski festival. To je brend koji našu lokalnu zajednicu čini prepoznatljivom u cijelom regionu. Čuveni Ilidžanski festival koji Općina Ilidža, sa kratkim prekidima, organizuje od davne 1964. godine, organizovat će i ove godine u saradnji sa NTV Hayat. Osnovna namjera ovog festivala je čuvanje i njegovanje kulturnog stvaralaštva u oblasti narodne muzike. U Općini Ilidža 25. marta 2016. godine održan je prvi radni sastanak predstavnika Općine Ilidža i NTV Hayat. Na ovom sastanku je imenovan Organizacioni odbor za održavanje festivala "Ilidža 2016". Planirano održavanje festivala je pet dana i to od 3 do 8. augusta. U organizacioni odbor imenovani su: Elvir Švrakić, predsjednik, te predstavnici Općine Ilidža načelnik prof. dr. Senaid Memić, predsjedavajući OV Muhamed Omerović, Velida Memić, Denis Muhović, Amra Bojičić, a predstavnici NTV Hayata su Amela Gadžo, Dženeta Hamidović-Mrndić, Vedad Sokolović i Lejla Pokrkljić.

Organizacioni odbor imenovao je Almu Švrakić na mjesto umjetničkog direktora Festivala, a izvršni direktor festivala bit će Damir Klopić. Na ovom sastanku donesena je i odluka o imenovanju Komisije za selekciju kompozicija. Nju će činiti Amela Gadžo, Ana Babić, Ljubica Berak, Nedim Srnja i Emir Merjemić.



Posjeta porodici Dedović

Sekretar Crvenog križa Općine Ilidža i sekretar Crvenog križa Kantona Sarajevo 22. marta 2016. godine, posjetili su i uručili pomoć porodici Dedović iz Osjeka, odnosno djeci koja su nedavno ostala bez oca, a prije tri godine bez majke. Uručeni su paketi hrane, paketi higijene, garderoba i obuća za djecu, te igračke. Crveni križ je rado ponudio svoju pomoć Dedovićima i u budućnosti, te ih pozvao da se obrate uvijek kada budu imali potrebu za pomoći koju mogu ponuditi.



Besplatan internet na šest lokacija

Općina Ilidža po uzoru na turističke destinacije u svijetu uvodi besplatan bežični internet za građane i turiste.

“U saradnji sa firmom Tellemach na šest lokacija instalirat će besplatni bežični internet i to Velika aleja, Vrelo Bosne, oko Hotela Ilidža, Mala aleja, Terminal i lokalitet oko zgrade Općine Ilidža. Ovaj javni servis će biti dostupan svim građanima i turistima koji posjeduju uređaje sa pristupom internetu” rekao nam je načelnik Općine Ilidža prof. dr. Senaid Memić.



Ilidžanski školanci učestvovali na Sajmu srednjih škola

Srednja škola metalskih zanimanja u Sarajevu bila je domaćin Sajma srednjih škola Kantona Sarajevo koji se održavao 19. i 20. marta 2016. Namjera je bila da se učenicima završenih razreda osnovnih škola i njihovim roditeljima prezentiraju mogućnosti koje im pruža stručno obrazovanje u pogledu nastavka školovanja, kao i trenutnu situaciju kada su u pitanju potrebe tržišta rada. Na ovom sajmu učestvovalo je i 130 osnivača sa područja općine, čiji prijevoz je finansirala Općina Ilidža.

Na ovom sajmu učestvovala je i Četvrta gimnazija pod motom “Život pun mogućnosti”.



Sajam meda i pčelinjih proizvoda

Uorganizaciji Udruženja pčelara „Behar“ Ilidža, od 21. do 24. marta 2016. godine u ulici Rustempašina na Ilidži održan je sajam meda, pčelinjih proizvoda i ljekobilja. Na sajmu je svoje pčelinje proizvode i ljekovito bilje izložio 21 izlagač iz cijele Bosne i Hercegovine.

Sajam je izložbeno-prodajnog karaktera. Osim pčelinjih, izloženi su i domaći proizvodi od voća, te razne prirodne kreme za kožu. Na sajmu su i dva izlagača koji su stopostotni invalidi kojima su štandovi dodijeljeni besplatno.



Peta večer poezije “Ilidžo, u srcu i stihu te nosim“



Velika sala Multimedijalnog centra Ilidža 27.marta 2016.g. odzvanjala je najljepšim stihovima ilidžanskih osnovaca. Organizator večeri poezije “Ilidžo u srcu te nosim” je bilo Udruženje za očuvanje tradicije i razvoj kulturno-umjetničkog stvaralaštva ”BAŠLIJA”, a pokrovitelj Općina Ilidža

U ovom projektu, učestvovalo je 185 učenika, iz devet osnovnih škola, za koje je bilo zaduženo 33 nastavnika. Učešće su uzele Prva, Treća, Četvrta, Peta, Šesta, Osma OŠ „Amer Čenanović“ Deveta, Deseta osnovna škola i OŠ „El-Manar“, koji su pisali svoje literarne radove na teme: “Ilidža, ljepotica koja vječno sija” i “Ilidžansko blago”

Pedeset najuspješnijih radova, mnogobrojni posjetioci tu noć, mogli su pratiti i istinski uživati u najljepšim stihovima kroz koje je Ilidža opjevana. Tu noć, podijeljene su zahvalnice i diplome zaslužnim najuspješnijim takmičarima.

Specijalna nagrada, pod nazivom „AIDA LUŠNIČKIĆ“ za najbolji, među najboljim literarnim radovima, pripala je učenici VIII-2 razreda Četvrte osnovne škole Anidi Hebibović.

Cijeli program uljepšale su male balerine baletnog studia “Arabeske”, učesnica Muzičkog festivala Ajla Ahmanović te plesna sekcija II-3 razreda Desete osnovne škole.

“Zahvalnost dugujemo svima onima koji su učestvovali i podržali projekat, posebno općinskom načelniku prof. dr. Senaidu Memiću, Službi za obrazovanje, kulturu, sport i informisanje Općine Ilidža. Želja nam je da u budućnosti objavimo ove radove kroz zbirku pjesama, jer za ovih pet godina, brižno smo čuvali i sačuvali pjesme koje su nagrađivane i koje zaslužuju da budu objavljene” izjavio nam je predsjednik Udruženja Džemal Hurić.

U kategoriji drugih razreda pobjednik je Rijad Jukić iz Osme osnovne škole “Amer Čenanović”, drugo mjesto podijelili su Lusine Avanesian iz “El-Manara” i Benjamin Ičindić iz Osme osnovne škole “Amer Čenanović” dok su treće mjesto podijelili iz iste škole Lejla Suljić i Bilal Husović. U kategoriji trećih razreda pobjednici su Mubina Hodžić iz Četvrte osnovne škole i Farah Šehović iz Osme osnovne škole “Amer Čenanović”, drugo mjesto podijelili su Alan Lutvica iz Četvrte osnovne škole

i Ilma Pleh iz Šeste osnovne škole, treće su podijelili Tajra Bilalović iz Osme osnovne škole “Amer Čenanović” i Šejna Fako iz Četvrte osnovne.

Tajra Planjanin iz Prve osnovne i Tajida Terzo iz Četvrte osnovne škole pobjednici su u kategoriji četvrtih razreda, drugo mjesto podijelili su Kerima Strinić iz Osnovne škole “El-Manar”, Anel Kreho iz Šeste osnovne škole i Amina Karačić iz Treće osnovne škole, treće su podijelili Merjem Kalaboć iz Pete osnovne škole, Haris Kolar iz Prve osnovne škole i Imana Klempić iz Šeste osnovne škole. U kategoriji petih razreda pobjednik je Sara Priliplija iz Šeste osnovne škole, drugo mjesto osvojila je Emina Kapetanović iz Devete osnovne škole, treće mjesto su podijelili Emina Čovrk iz Treće osnovne škole i Ilma Čustović iz Devete osnovne škole.

U kategoriji šestih razreda pobjednici su Adela Čohodar iz Četvrte osnovne škole i Remza Oković iz Prve osnovne škole, drugo mjesto podijelili su Emina Šiljak iz Šeste osnovne škole i Šejla Vuk iz Treće osnovne škole, a treće Nihad Šiljak iz Desete osnovne škole, Azra Šaćić iz Četvrte osnovne škole i Šejla Huseinović iz Osnovne škole “El-Manar”.

U kategoriji sedmih razreda pobjednici su Vildan Kadrić iz Desete osnovne škole i Ajla Osmanović iz Šeste osnovne škole, dok su drugo mjesto podijelili Lamija Korman iz Desete osnovne škole i Minel Polovina iz Prve osnovne škole, treće mjesto Envera Mulahasanović iz Pete osnovne škole.

U kategoriji osmih razreda pobjednik je Emela Bučan iz Četvrte osnovne škole, drugo mjesto podijelili su Selma Mahmutović iz Četvrte osnovne škole i Melisa Memić iz Treće osnovne škole, a treće Elma Berilo iz Četvrte osnovne škole, Hana Hamza i Selma Ljuhar iz Treće osnovne škole.

U kategoriji devetih razreda pobjednici su Ahmed Frljak iz Treće osnovne škole i Hadžera Selimović iz Desete osnovne škole, drugo mjesto djele Iman Pašić iz Pete osnovne škole i Inaya Duran iz Osme osnovne škole “Amer Čenanović” a treće mjesto Amin Revda iz Osnovne škole “El-Mamar”, Meho Vasić iz Treće osnovne škole i Amina Zuberović iz Osme osnovne škole “Amer Čenanović”.



Pozorišna predstava „To je to“

Pozorišnu predstavu „To je to“ autora Hebiba Selmanovića-Beloga, 25. marta 2016. godine u Domu kulture Butmir, a u povodu Dana općine Ilidža, izveli su članovi dramske sekcije KUD „Ekrem Mujkić“. Predstava je pokušaj da se na komičan i neobičan način kroz scene u kancelariji i kafani oslika stanje u društvu. Scenarij i režiju potpisuje Hebib Selmanović-Beli, a akteri ove zanimljive predstave su: Edvard Letić, Tajra Bilalović, Haris Gušić, Bakir Močević, Esna Bozalija, Eldar Mehmedspahić, Tarik Hadžić, Merjema Mekić, Eldar Selmanović, Amar Čosić i Rifat Šeho. Ova predstava čiji akteri su mlađi članovi dramske sekcije prvi put je izvedena 2015. godine na festivalu drame u Kičevu.



Veče dječijih folklornih grupa

Organizaciji Udruženja za očuvanje tradicije i razvoj kulturno-umjetničkog stvaralaštva „BAŠLIJA“ 19. marta 2016. a povodom tradicionalne manifestacije Dani Općine Ilidža 2016, održan je cjelovečernji koncert dječijih folklornih grupa u Multimedijalnom centru Ilidža. Kroz veoma bogat kulturno-zabavni program, u kojem je učestvovalo više od 150 članova Udruženja, gledaoci su mogli uživati u tradicionalnim igrama naroda i narodnosti BiH, stoga i ne čudi, što je sala bila ispunjena do posljednjeg mjesta.

“Ovaj koncert smo pripremali sa puno pažnje i ljubavi prema folkloru i našoj tradiciji, ali i prema povodu svečanosti, a to su Dani Općine Ilidža. Nastojat ćemo i u budućnosti biti još bolji i dodatno obogatiti naš repertoar. Hvala još jednom načelniku Općine Ilidža, Prof.dr. Senaidu Memiću i Službi za obrazovanje, kulturu, sport i informisanje, koji su nas spodržali i dali motivaciju za dalji rad” rekao nam je Džemal Hurić predsjednik Udruženja “BAŠLIJA”.



Večer folklor

U Multimedijalnoj sali Općine Ilidža 26. marta u organizaciji KUD “Ekrem Mujkić” održano je veče folklor. KUD “Ekrem Mujkić” i ove godine dao je svoj doprinos u programu koji se održavao povodom Dana općine. Za koncert se tražilo sjedište više. Pored domaćina koji su se predstavili publici sa Igrama iz Sarajeva, Igrama iz Srednje Bosne i Narodnim igrama iz Teslića svoje umijeće predstavili su i Ansambl “Studio-Folklor” iz Skoplja, KUD “Dukati” iz Ulma i Ansambl “Bosnia-folk” iz Zenice.

Učestvovalo je 85 igrača iz KUD “Ekrem Mujkić”, a te večeri bilo je oko 200 učesnika.



Koncert duhovne muzike

Bosanskohercegovački ansambl “Sultan Mehmet Fatih” 12. marta nastupio je u Multimedijalnom centru, a nastup je organiziran u okviru manifestacija povodom Dana Općine Ilidža. Izvrsnim nastupom hora pod dirigentskom palicom Mehmeda Bajraktarevića i Munira Mešanovića publika je uživala u izvedenim numerama.

ASMF je ansambl duhovne muzike nastao 2004. godine u cilju očuvanja tradicije naroda Bosne i Hercegovine. Ansambl je počeo sa svega 15 članova da bi taj broj počeo naglo da raste u prvih godinu dana. Već 2005. godine broj članova je premašio 50, da bi danas ASMF brojao preko 150 aktivnih članova. Ovo je jedinstven ansambl u svijetu. Jedinstven je zbog broja članova svih nacija ali i zbog sastava instrumenata u samom Ansamblu ali i aranžmana koje ASMF izvodi. Članovi su raspoređeni u sekcije hora i orkestra. Orkestar je sastavljen od velikog broja istočnjačkih ali i zapadnjačkih instrumenata što znači da sam orkestar predstavlja spoj istoka i zapada kakvo je zapravo i Sarajevo. U orkestru pored standardnih filharmonijskih instrumenata (violina, violončelo, klarinet, saksofon, flauta..) susrećemo i bend instrumente: bubanj, bass gitara, elek. i akustična gitara.



Dječija modna revija

U sali hotela "Hollywood" 13. marta održana je modna revija za djecu i odrasle "Dress to Impress". Revija je održana u sklopu Dani Općine Ilidža, a u organizaciji modne agencije i škole za male i velike manekene "Free Models".

Mališani su se predstavili kroz različite izlaze, a posebna grupa njih u malim vjenčanicama "Dress to Impress" već najavljenog projekta Urban Managementa. U večernjim haljinama pomenute kolekcije predstavili su se i manekeni FModels-a, a na oduševljenje publike, jer to je zaista novi preokret u ponudi ekskluzivnih haljina u našem gradu.

Kroz revijalni program na ekranima publika je imala priliku da po prvi put pogleda i profesionalne slike DX fotostudija grupe profesionalaca, kako malih, tako i velikih manekena pomenute agencije.



Održano takmičenje u alpskom skijanju

Na Bjelašnici je održano 15. jubilarno međunarodno takmičenje u alpskom skijanju "BH Telecom Ilidža FIS Cup 2016." Organizatori ovog takmičenja bili su Skijaški savez BiH i Ski klub Ilidža.

Učestvovalo je 30 takmičara iz sedam zemalja.

Prvo mjesto osvojio je Eman Emrić, inače reprezentativac, dok je u ženskoj konkurenciji dva zlata osvojila Elvedina Muzaferija. Drugo mjesto pripalo je Marku Šljiviću a treće Benjaminu Sološu iz Mađarske.

Pehare i medalje uručio je načelnik Općine Ilidža prof. dr. Senaid Memić.

Na 11. Otvorenom prvenstvu u karateu učestvovalo 986 takmičara

Karate klub „Champion“ bio je organizator i ove godine karate turnira u BiH, a koji se održavao povodom dana Općine Ilidže. Generalni pokrovitelj ove manifestacije je Općina Ilidža.

U Kulturno sportskom centru Ilidža 05. marta 2016. godine održan je karate turnir "Ilidža open 2016" na kojem se takmičilo 84 kluba iz šest zemalja, ukupno 986 takmičara.

"KK Champion kao kolektiv smo izuzetno sazreli, kao organizatori stekli iskustvo, a ove godine 11. Otvoreno prvenstvo u karateu Ilidža open 2016 dokaz je naše istrajnosti. Pored sportskih rezultata koje postižemo u kontinuitetu, tako u organizatorskom smislu konstantno imamo evidentan progres. To je misija i cilj karate kluba Champion, koji danas broji preko 500 članova i imamo 13 trenera i 16 asistenata koji rade na volonterskoj osnovi. Naša snaga se ogleda u odnosu nas samih i vizije koja je jos 2002. godine prezentirana javnosti", rekao nam je Mensur Agović predsjednik Karate kluba "Champion".

Turnir su otvorili načelnik Općine Ilidža prof. dr. Senaid Memić i ministar sporta i kulture u Vladi KS Mirvad Kurić, koji su učesnicima turnira zaželjeli dobrodošlicu, druženje i mnogo uspjeha u takmičenju.



Učenicima uručene potvrde za učešće u projektu "Volontiranje je cool"

Centar za razvoj omladinskog aktivizma Croa je organizovao svečanu dodjelu volonterskih potvrda za 60 osnovaca koji su sudjelovali u projektu „Volontiranje je cool 2015!“

Ceremonija svečane dodjele volonterskih potvrda je održana 21. marta 2016. godine u Multifunkcionalnoj sali Općine Ilidža. Potvrde su dobili učenici "Četvrtе osnovne škole", "Pete osnovne škole" i "Sedme osnovne škole" Ilidža, koji su učestvovali u ovom projektu.

Učenici ovih škola su u proteklom periodu svojoj lokalnoj zajednici kroz različite volonterske aktivnosti poklonili više od 6.000 volonterskih sati i tako skrenuli pažnju na vrijednost volonterizma kod mladih.

Prisutnim učenicima se pozdravnim riječima obratila predsjednica Udruženja Croa, Amela Sirovina kao i pomoćnik načelnika za obrazovanje, kulturu, sport i informisanje Općine Ilidža Denis Muhović.

Općina Ilidža je ujedno i podržala pomenuti projekat, a resorni pomoćnik Denis Muhović je potaknuo učenike da nastave sa volonterskom praksom i u budućem periodu.

Dodjela je popraćena filmom sa završne manifestacije pomenutog projekta na kojoj su svoje volonterske radove predstavile 23 osnovne škole iz Mostara, Sarajeva, Stoca, Konjica i Goražda.

Projekat „Volontiranje je cool!“ se realizuje od 2011. godine, a cilj je podizanje svijesti o važnosti volonterizma i društvene odgovornosti kod učenika osnovnih škola.



Četvrti Basket KUP Ilidža 2016

U periodu od 24. do 27. marta 2016. godine KK "Impuls" je uspješno organizovao Četvrti Internacionalni turnir u košarci za mlađe kategorije BASKET KUP ILIDŽA 2016.

Na ovogodišnjem turniru je učestvovalo 46 ekipa iz Italije, Slovenije i Bosne i Hercegovine, sa više od 450 košarkaša i 150 košarkašica. U periodu od tri dana odigrano se 90 utakmica u šest starosnih selekcija: predpioniri-predpionirke, pioniri, kadeti-kadetkinje i juniori. Utakmice su se igrale u salama KSC Ilidža, Hotela Hollywood i Osme osnovne škole "Amer Čenanović". U svim selekcijama su za najbolje plasirane ekipe uručene nagrade pehari, medalje i statue za najperspektivnije igrače.

Meris Muhović (KK Champion) prvak Svjetskog kupa u Laškom

Meris Muhović je prvak Svjetskog kupa u kategoriji seniori do 84 kg, a Anes Congo je bronžani u istoj kategoriji. U teškoj kategoriji (preko 84 kg) Sanjin Kanlić također je osvojio bronžanu medalju. Meris Muhović (KK Champion) je titulu prvaka Svjetskog kupa, održanog u Laškom, osvojio pobjedama u šest mečeva i to protiv reprezentativaca Makedonije, Crne Gore, Hrvatske, Alžira, Slovenije i u finalu ubjedljivom pobjedom protiv još jednog reprezentativca Alžira rezultatom 4:2. Anes Congo (KK Champion) je porazom od Alžirca u prvom meču započeo svjetski kup, ali pobjedama protiv Hrvata, Ukrajinca i reprezentativca Kosova u repasažu došao je do bronžane medalje. Kanlić Sanjin (KK Holiday) je pobjedama nad reprezentativcima Kosova, Južne Afrike, Bosne i Hercegovine osigurao nastup u polufinalu. Ipak, u polufinalu izgubio je od reprezentativca Hrvatske. Za treće mjesto borio se protiv reprezentativca Srbije kojeg je pobjedio i osvojio bronžanu medalju. Ekipe Kantona Sarajevo je srebrna sa svjetskog kupa.

Još jednom ovi momci su pokazala snagu, i ovim putem upućujemo čestitke osvajačima medalja za Bosnu i Hercegovinu, te Kanton Sarajevo, ali i svim reprezentativcima koji su nastupali na Karate 1 Svjetskom kupu, Laško 2016.



Obilježen Svjetski dan borbe protiv tuberkuloze

U organizaciji Crvenog križa Općine Ilidža 24. marta 2016. godine, obilježio se Svjetski dan borbe protiv tuberkuloze, koja je i danas jedna od najozbiljnijih najrasprostranjenijih zaraznih bolesti. Tim povodom su volonterke na punktovima kuhinje Crvenog križa korisnicima dijelile edukativni materijal na temu prevencije i liječenja tuberkuloze. Za pripadnike romske populacije, koji spadaju u rizičnu skupinu kada je riječ o ovoj bolesti, pripremljen je materijal na romskom jeziku.

Također, održano je predavanje o temi borbe protiv tuberkuloze za učenike osmih razreda Treće osnovne škole. Predavanju, koje je održala dr. Amina Ibrahimović - Mahmutović, prisustvovalo je 50 učenika. Učenicima i uposlenicima škole također su podijeljeni edukativni leci o tuberkulozi.



Osma osnovna škola "Amer Čenanović" pobjednik takmičenja "Moj pas - moja odgovornost"

Krajem prošle godine, Predstavništvo Fondacije Dogs Trust u BiH je u saradnji sa Ministarstvom obrazovanja, nauke, kulture i sporta Kantona Sarajevo za osnove ovog kantona organizovalo takmičenje u poznavanju principa sigurnosti sa psima i odgovornog vlasništva pasa.

Učesce na ovom takmičenju uzeli su i ilidžanski osnovci, a učenici Osme osnovne škole "Amer Čenanović", koji su napravili video-reportažu na temu "Moj pas-moja odgovornost" su pobijedili.

Vrijedni tim predvođen mentorom, nastavnicom Edisom Radončić odgovorno je pristupio ovom zadatku, a u timu su bili: Faruk Tufo, Alem Alajbegović, Azer Babaić, Emir Mušanović, Sara Brajlović, Anesa Mujkić, Lejla Halać i Hena Salman.

Žiri je imao težak posao u izboru pobjednika, jer su svi prijavljeni pokazali iznimnu kreativnost i znanje. Ipak, prema njihovom sudu prvo mjesto za najbolju video reportažu na nivou Općine Ilidža i čast da predstavljaju općinu na kantonalnom nivou pripalo je upravo ovoj vrijednoj ekipi. U maju ih očekuje takmičenje na kantonalnom nivou.

Nakon proglašenja kantonalnog pobjednika, ova Fondacija će producirati film koji će uključiti dijelove svih primljenih produkcija. Film će biti dostupan na You Tube kanalu, te web i Facebook stranicama Predstavništva, a biće prikazan i na televiziji.



Amina Hurić predstavlja će BiH na takmičenju “INESPO”

U Međunarodnoj srednjoj školi u Sarajevu 26 i 27. februara 2016. godine održana je naučna Olimpijada “BOSEPO” na kojoj su učestvovali učenici srednjih škola iz cijele Bosne i Hercegovine. Jedna od učesnika je i Amina Hurić iz Butmira koja je u kategoriji “ENERGIJA” osvojila Zlatnu medalju čime je stekla pravo da predstavlja Bosnu i Hercegovinu na Međunarodnom takmičenju “INESPO” koje će se održati u Holandiji. Ovo je jedini projekat koji će predstaviti Bosnu i Hercegovinu u kategoriji „energija“.



Najbolji boćari Zenice

Povodom obilježavanja Dana Općine Ilidža, a u organizaciji Boćarskog kluba „Napredak“ Ilidža, 19. marta 2016. godine na terenu na Stupu održan je tradicionalni sedmi po redu turnir u boćanju. Na turniru su nastupile ekipe Želzničara, Čapljine, Bosne, Zenice, Napretka I i II, Ilidže i BK „Ante Rozić“ iz Mostara koje su se takmičile u parovima po FIB-o pravilima. Za ekipu Ilidže nastupila je Elda Kavazić, jedina djevojka u BiH koja se bavi boćanjem.

Prvo mjesto osvojili su boćari Zenice, drugo Čapljine i treće Napretka I. Za najboljeg igrača turnira proglašen je Osman Ganić član BK Zenica. Najboljim su uručene medalje i pehari.

Nova priznanja za šampione

Anes Čongo, karatista KK Champion proglašen je najuspješnijim sportistom Kantona Sarajevo, Denis Muhović najuspješnijim trenerom, a KK Champion muška seniorska ekipa, najuspješnijim klubom u 2015. godini. Čongo je u prošloj godini briljirao na međunarodnoj sceni, osvojivši prvo bronžanu medalju na Evropskom U-21 prvenstvu, a nakon toga i bronzu na Svjetskom prvenstvu u Jakarti. Priznanja najuspješnijim sportistima KS-a dodijeljena su 20. marta u Domu Oružanih snaga BiH. Organizator ove manifestacije je bio Sportski savez Kantona Sarajevo.





Održan Memorijalni malonogometni turnir “Amer Ćenanović”

Kao i prethodnih godina i ove godine 31. marta održan je Memorijalni malonogometni turnir “Amer Ćenanović” čiji je organizator bila JU Osma osnovna škola “ Amer Ćenanović”. Na turniru je učestvovalo osam ekipa, odnosno 70 učesnika. Pobjednik turnira je ekipa Osme osnovne škole “Amer Ćenanović”, drugi su ekipa Prve osnovne, a trećeplasirani Druga osnovna škola.

“Prvog aprila navršilo se pet godina kako sa nama nije naš prijatelj i kolega Amer Ćenanović. Naša škola sa ponosom nosi njegovo ime Amer Ćenanović ostao je dio naših života kroz svoj rad i zalaganja za dobrobit svih nas. Danas ga se sjećamo ponosni što smo radili s njim i sretni što smo ga poznavali “ izjavio je Vahid Čustović, direktor JU Osma osnovna škola “Amer Ćenanović”.